

# Il president discuora culla giuventetgna

(fmr/hh) Culla finamira d'endriescher dalla giuventetgna tgei ch'ella vul, envida il president communal *Martin Cavegn* sonda, ils 28 da november 2020 ella ad ina scuntrada. Oriundamein era ei previu d'arranschar quella ella sala Cristalla a Sedrun. Pervia dalla situaziun cul coronavirus vegn la sentupada organisada sin via virtuala. Las indicaziuns per entrar ella seduta ein da cattar ell'ediziun dils 20 da november 2020 dalla gasetta locala La Tuatschina ni silla homepage dalla vischnaunca. La scuntrada cun discussiun entscheiva allas 19.00 cun in'introducziun da Martin Cavegn. Silsunter san ils giuvenils exprimer lur meinis, ideas e projects. Per la fin duei vegnir discutau davart la damonda, schebein talas sedutas duein era vegnir puschidas igl avegnir. Alla scuntrada virtuala san giunveils naven da 16 onns ensi separticipar. La finamira principala dil president communal ei in brat aviert cun la pusseivladad da discutir ideas e meinis dils giuvenils.